

۱۳۳۰

والله يهدي من يشاء الى صراط مستقيم

دینی، علمی، ادبی، سیاسی ہفتہ لاق مجموعہ اسلامیہ در

اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ - ۹

۱۱ آشرین اول ۱۳۲۸

115

١٤ ذى القعدة ١٣٣٠

217-28 JAC

نفسیہ شریف

بِسْمِ اللَّهِ الرَّحْمَنِ الرَّحِيمِ

يَا أَيُّهَا الَّذِينَ آمَنُوا إِذَا قُتِلْتُمُ الَّذِينَ كَفَرُوا زَحَفًا فَلَا تُولَوْا.

هم الادبار . ومن يولهم يومئذ دبره - الا متحرفا لقتال  
او متحيزا الى فئة فقد باء بغضب من الله و ماويه جهنم

وبئس المصير !

زہد مأل منیفی

ای مومنلر ! دین و وطن دشمنلریکیزله میدان حریده قار -  
شیلاشدیغکنز، ترتیب صفوف ایدرک فی سبیل الله جهاده باشلادیغکنز  
وقت صاقین اعدا کنز - کثرتلری مقابله یی امکالنیز براقه حق  
درجه یی بولمقجه - آرقه چویر میکنز ! ئولومدن قورقوبده قاجمیکنز، که  
بیهوده در . اوئولوم - وقت مرهونی کلنجه - سزی الک متین قلعه  
برجلری ایچنده اولسه کنزینه بولور . آندن قاجوب قورتولمق  
محالدر . ایشته بو حقیقتی دریش ایدرک مردانه ومتوکلانه ثبات ایدیکنز !  
کال شجاعت وقهرمانی ایله خصمکنز اوزرینه صالدریکنز ! هر کیم  
اوغزا کوننده ، او ار میداننده - ساخته رجعت وتبذیل موضع کبی  
لطاقف الحیل مستتا اولمق اوزره - دشمن دین ووطنه آرقه سنی  
دونوب قاجارسه اللهک قهر وغضبه رجوع ایتمش اولور . اونک یری  
جهنمدر . نه دهشتلی زندان لهب افشاندر او !

(زحفاً) ، بیضاوی مرحوم بولکه جلیله نك كثرندن مستعار اولدیغی سویلیور . (الزحف) اصلاً مصدر در . چوجوق قیچی اوزرینه یاواش یاواش سورونه رك یورومسنه لسان عذب الیان عربده (زحف الصبي) دنیلیر . (متزاحفین) تاویلله طرفین صفارندن حال اولسی ده جائزدر . شو حالدده معنی : « اعدا کزله قارشیلاراق یكدیكر یكزه دوغری آغیر آغیر خطوه لرله یاقلاشدیغکز وقت .... » سکنده اولور .

اودقیقه ده ایکی طرفه نولومه دوغری کیتمکده اولدقلری  
اندیشه سیله برطوفان هیجان ایچنده تیتیرلر . وجودلر ، قوت  
ومتانتلرینی غیب ایتمکه ، آدیملر کیتدیکجه آغیرلاشمغه باشلار .  
هرکس بررینه صوقولیر ؛ صفلر صیقیشیر ؛ خطوه لرک بطلانئندن یوروش ،  
تأثر انکیز بر شکل مخصوص کوستیرر . صفلر - هیآت مجموعه لری  
اعتباریله - صانکه یورومورلده قیچلری اوزرینه سورونیورلرطن  
اولونور .

بوطر ز رفتار ، - آتش سز ، طراقه سزاسا حه بسطه نك مستعمل  
 بولونديغى - بزدنك اوزاق برماضى به عائد اولمقله برابر حالت روحيه  
 عينيله ينه اودر . چونكه استقبائه قوشولان ، دراغوش اولونان ،  
 نجه اشيلن ثولومدن باشقا برشى دكلدر . ايسته دنيا ايله آخرت آراسنده كى  
 مسافه مخيله نك بك قيصالديغى ، عادتا يكدى كيريله تماس ايتىدىكى  
 اودمده در ، كه واهمه چيلديريور . اولانجه شدتيله عقله هجوم ايدر .  
 صوصدirmek ، شاشيرتمق ، صاحبنى رجعتيه ، فراره مجبور ايتىك ايتىر .  
 انسان طوفان خيز بر بحران تردد ايجنده قالير . عقل ، مزيتى اوآنده  
 كوستيرير . حياتك ، حيات ناموس ، حيات شرف وحيثيت ، حيات  
 جمعيت وملت ، حيات استقلال اولديغى ، حيات فردك اهميتسزلكنى  
 اكلاتمغه چاليشير . واهمه قاباروب چيرينديقجه اوكا چيلديرمه !



ثبات ایت ! تا که یا مظهریتله ممدوح، یا که شهادتله مستریخ اوله سین ! « دیر.

« اقول لها اذا جشأت وجاشت »

« مکاتک ! تحمدی او تستریخی »

« لادفع عن مأثر صالحات »

« واحمی بعد عن عرض صحیح »

حق قبول ایتمه مک، حقنه راضی اولمایه رق قان دو مک، قاردشنی تولدورمک انسانلره ( قابل ) دن قالمه بریادکار ظلم و وحشتدر. انسانک خیرمایه فطرتنده او وحشت آتشدن بردامله بولونیور. اومایه کوثر صحیح عرفان ایله ترطیب و تعطیر اولونماز، اوقطره لهیب وحشت سوندورلرده کندی حاله بر اقلیر، کندی نفسنه عرض تسلیمیت واسارت ایدرسه صولتده، وحشتده سباع مفترسه بی بیله گه ریده بر اقلیر. بر وحشی بی آلیکز، اوکا قراواتیله، غایتیله، سیلندیر شایقه سیله محتشم ( ! ) بر لباس مدنیت اکسا ایدیکز، اللهده بر باستون ویریکز ! فقط اوینه وحشی، یشه خون خواردر دگی ؟ اوینه انسانلره صالدریر، پارالار؛ کبه قادیلرک قارنلرینی یاروب جینلرینی چیقاریر، آیاقلری آلتده ازر، بدبخت آناسی جان آلوب ویریرکن او قانلی دیشلرینی صیریتهرق کولر. جنین بی روحک اوزرنده خورا تپهر. اوله ایسه منصفانه اعتراف ایدلم، که مدنیت، صرف مادی دکل، مغنویدر. مدنیت؛ فضیلت عرفان، علو وجداندر. ایشته انسان او زمان شایان تجیل حقیقی بر انسان اولور.

انسانه بو - معنوی و حقیقی - کسوة زرین عرفانی اکسا ایدن آنجق ( دین ) در. ازلی مقبول حق اولان دین ایسه ( اسلام ) در. امین اولام، که بو دین کلمسه ایدی انسانلر بر برینی پارالامقده یرتیجی حیوانلری کچرلردی. بناء علیه سلسله حیات بشرده ده ایکنجی حلقه سنده قوپار کیدردی. انسانک احتراصات نفسانیه، اغتضابات وحشیانه و مفترسانه سی ثونه کچن، او چیلغین حیوانیتک آغزیننه لجام حاکیتی طاقوب ضبط ایدن آنجق ( دین ) در، ( دین اسلام ) در. دین حق، متدینلرینی بغیر حق قتل نفوسدن، سفک دمدان شدتله منع ایدر. حتی اک عادی بر حق سزلغنه، بر تجاوزیه بیله قطعاً راضی اولماز. دین حق؛ متدینلرینی بر لزوم، بر مجبوری کورولمیکجه حربندن زجر ایدر. هر هانکی بر قول ویا فعلده شایه بیداد واردر. دین اونک علیهنده در. نظرنده فاعلی مسئولدر، محکومدر جناب قرآن حکیمک مفسری اولان لسان اقدس رسالتدن حکمت افزای سنوح و صدور اولان : « لاتتموا لقاء العدو . فاذا لقیتموهم فاصبروا ! » شجاعت و قوتکزه مغرور اولوبده دشمنله حربی آرزو ایتیکز ! فقط مجبوری کوروبده یوز یوزه کلدی ککز و قتده صبر و ثبات ایدیکز ! ایشته اوزمان خصم دین و ناموسکزه شیرانه، قهرمانانه چاریشوب احقاق حق و ابطال باطله چالیشیکز ! . بخاری - کتاب الجهاد .

حدیث شریفی برهان جلیدر.

کوریلور یا، اسلامیتده دوروب دورورکن دشمنه قلیچ چکمک همده تحریماً ممنوعدر. سل سیف ایچون مطلق بر مجبوری،

بر لزوم، بر حکمت اولمی ! دشمن ترک سلاح ایتدیکی آنده سیف اسلام نیامنه کیرر. شو حدیث شریفی اوقویهلم : « صحابه کزیندن ( رضی الله عن اجمعهم ) مقداد بنی عمرو الکندی - که بدر کبری حرب ابدی الاشتمارینی قازانان ارسلانلردندر - دیورکه : ولی النعمت جان وجهانم علیه الصلاة والسلام افدمنر حضرتلرندن صوردم : - آنام بابام یولکزه فدا اولسون یا رسول الله ! اعدای دیندن بریله قارشیلاشوب حرب ایتدک؛ انشای مقاتلهده بر الیمی قلیجه ووروب دوشوردی، در حال براغاجه التجا ایدرک « بن اسلام اولدم . اللهه ایمان ایتدم، دیدی . شمدی بونی بعدالاسلام اولدوره بیلیرمیم، نه بویورور - سکز ؟ - خایر، تولدوره مزسک . - یکی ولی النعمت افدمنر، فقط او بی برالدن محروم ایتدیده صو کرا قبول اسلام ایتدیکنی ده سویلیدی . - خایر، تولدوره مزسک . اکر تولدورورسه ک قاتل اولورسک. چونکه او سنی تولدورمدن اول سنک منزله کده در . سنک کبی مؤمن اولدی . اسلامیتده حق حیاتی بوتون مساواتیله، بوتون مزبایتیله، بوتون فضائلیله اکتساب ایتدی . سنده، او اهتدا ایتزدن اولجه بولوندی منزلهده سک . یعنی تولدوردیکنک حالده اوشهید اولور، سنده محکوم قصاص برجانی . بخاری - کتاب المغازی . » کرچه بو حادثهده سلامت حیات اسلام قیدیله مقید ایسهده ( لا اکراه فی الدین ) نظم جلیلی اعدای توحیدی سیف ایله اسلام بیتنده تخیر حکم اجباریسنی رفع ایتدیکنندن، شو حالده سیف اسلام ترک سلاح ایدن دشمنک تپهسنه قالمیور . بلکه نیام صلح و مسالمته کیریور .

بناء علیه اسلامیت ( قلیچ دینی ) دیمک قادار ضرکارانه برافترا، بر بهتان عظیم اولاماز . حقیقت کونشدن دهابدیهی ایکن بوکا جواب ویرمک تنزلی بیله زاندر .

اسلامیت، حقیقه الحقایق ازلیه بی قبول ایتدیرمکله مأمورددر . رد واستکبار ایدنلردن ده تحفظه مجبوردر .

اسلامیت، کیمسه نک حقوقنه تجاوز، حیانه سوء قصد ایتمه مشدر . بالعکس دائماً تجاوزه معروض قالمش، دائماً سوء قصد کورمشدر . جهاد ایله مأموریتی ایشته بوسبیه منیدر . اسلامیت، معارضلرینک مذهبیرینه، اعتقادلرینه قارشى لا قید و غیر منتزل قالدینی قادار، اعداسی اوکافاشی هیچ بر زمان و مکانده لا قید بولونماش، بولونه مامشدر . الیوم مؤمن و معتقدلرینی جبراً واکراهاً صلیبه سجده ایتدیرمک امالی اونلرک قبلرنده بر آتشدر، که دائماً یانار ویا قار، دورور .

بونلرک اسلامیت ازلی و ابدی عداوتلرینی قرآن کریم بزه شو آیات جلیله سیله خبر ویریور : « ولن ترضی عنک اليهود ولا النصارى حتى تتبع ملتهم = رسول محترم ! نه یهود، نه ده نصاری سندن ابدیاً راضی اولمازلر، سکاسلدیکلری کین و عداوتلرینی ممکن دکل تسکین وانلری کندکن ارضا ایدمه مزسین، تا که انلرک ملتیرینه اتباع و دینلرینه ارتداد ایتدی کجه . . . ولا یزالون یقاتلونکم حتی یردوکم عن دینکم ان استطاعوا = اونلر سزکله دائماً محاربه و مقاتله ایدرلر .



## مَقَالَات

### فرض اولان جهاد بوجهاددر

« جهاد » ك معنای ك بيوك زحمت و مشقت ديمكدر و بو معنا اعتباريله افضل اعمالدر . « خير الاعمال احزها » حديث شريفى دخی بونی تأیید ایدر .

محاربه هر نه صورته، هر نه کبی اسبابه مبنی اولورسه اولسون، امیر المؤمنین فرمانيله تعیین اولنش قوماندان طرفدن مخاصمینه قارشى آچیلمش بر جهاددر، که مسلمانلر اوزرینه فرض اولان جهادده بودر . يالكز درجه فرضیت ده عینیت و کفایت درجه سنده ایکی به تقسیم اولنور . مدافعه به کافی درجه ده بر سواد تشکیل ایتک فرض کفایه ايسه ده، دشمن قوتی بزه تفوق ایتدیکی کبی فرض عیندر .

بو فرض، فرض قطعی اولوب هیچ بر تأویل کتورمديکی کبی، هیچ بر کونا معذرت ده قبول ایتمز ؛ هر مؤمنه فرض اولور . نره ده بولنورسه بولسون ، کیمک تبعه سی اولورسه اولسون، کلوب جهاد اردوسنه اشتراك ایتسی فرضدر . علماء اسلامك بعض تأویللر ايله بیان معذرت ایتملری هیچ بر زمان معذرت شرعیه اوله منر .

اوردومزده خرسیتانلرک بولنه سی قطعاً جهاده مانع اوله ماز . وطن اولادی هر هانکی جنس و مذهبدن اولورسه اولور، وطن حقوقی مدافعه نقطه سندن بزمه بر ایشه بیلرلر . فقط جهادینه جهاددر . دشمنلر منر بو کون ما کیدونیا خرسیتانلری حقنده اصلاحات ایتسه دکلری حالده، کندی تبعه لرندن اولان مسلمانلری چایر چایر کسپور، فته ایقلاط ایتدیلر بهانه سیله اعدامه محکوم ایدره رک رسماً قورشونه دیزپورلر، معصومه مسلمان قادینلری ، قیزلری طاغله آشیرمق صورتيله تحقیر ایتدکدنصوکره وحشتلریله افتخارده ایدیورلر . مدنی آوروپا سفرا و آتسه میلترلری بولنری رأی العین مشاهده ایتدکلری حالده هیچ سسلری چیقارمیوب، دائماً بزدن خرسیتان قرنداشلری ایچون اصلاحات ایتسه یورلر . قرال فردیناند کندیسنک خرسیتانلغی حمایه ایچون میدان آتیلدیغی رسمی بیاننامه ايله اعلان ایدیور . بولردن هیچ برنی آنلر کندیلری کزله مدکلری حالده، بزم ایچون اغماض ایتک نه دن ایجاب ایدیور ؟

بزه وطندا شلق دعواسنده بولنان مالیسورلر، عینی زمانده دینداشلری اولان اعدالرمز معاونت و بزم خیانت ایدیورلر .

نفس پترسبورغده منتشر « رهچ » غزته سی ( ده اعلان حرب اولمه دن ) صربیه حدودنده بولنان عسا کر عثمانیه خرسیتان افرادندن یدی یوز شوقدر نفرک فرار ایدره رک صربیه لی خرسیتان قرنداشلرینه التحاق ایتدکلری یازیور . بولنرک هپسینه قارشى کوزلرمزى نافله قاپامایلم، کندی کنديمزی آلدیمه لم . کیمسه نك مقصدی اصلاحات فلان دکل، هر کس کندی منفعتی تأمین ایچون بهانه آرایور . آراده مغدور، مظلوم بر ملت وار ايسه ینه بچاره مسلمانلردر .

ناسزی - اکرالردن کاسه - دینکزدن چیقاروب کندی دینلرینه رد ایتدیرنجیه قادار . - وتوجیه دیکرله: مجرد سزی دینکزدن چیقارمق و کندیلرینه بکزنتمک ایچین . « ان یثقفو کم یکنوا لکم اعداء ویبسطوا الیکم ایدیهم والستهم بالسوء وودوا لتکفرون = اواعدای دین حق سزه غلبه چالارلر، سزی درزنچیر اسارت و محکومیت ایدرلرسه علیه کزده بسلدیکلری غیر قابل تعدیل غیظ مضمحلرینی در حال اظهار ایدرلر . سزه دست وحشت و افترا سلیری اوزاتیرلر . جبراً نه ولری کزده دالوب عرض و ناموس کزی پامال حیوانیت ایدرلر . سزک الله کزده، پیامبری کزده، قرآن کزده، کعبه کزده، بوتون مقدسات دینه کزده آغیز دولوسی سبلر، دشناملر استفراغ ایدرلر . و بوتون روح صلیب پرستانه لريله سزک کفر و ارتداد . دکزی - آه...! شو مسلمانلر، دینلری بر اقوب ده بزم مذهبمزی قبول ایتسه لر، بزمه بر لکده صلیبه طایسه لر... دی به - تمی ایدر دورورلر .»

ایشته بو سببه مبنی در، که قرآن کریم ده بزم مؤمنلره جهادی امر ایدر . حیات حقیقیه منر اولان مقدس دینک محفاظه سی ایچین بزی ار میداننه کوتورور . جنتک شهادت قاپیرینی آچار . بزه ذوق فانی به بدل بر نعیم ابدی کوستیرر .

حتی بزه فن حربک، تعیه نك لا یتغیر بلانلری ده او کرتمک لطف مخصوصنده بولونیر . ایشته ترجمه و تفسیری صد دنده بولوندیغمنر آیه جلیله ده کی - الا متحرراً لقتال او متحیزاً الی فئه - جمله استثنایه سی ! تعیه نه قادار تجدد ایتسه، لطائف الحیلدن بیک بدایع ایجاد اولونسه ینه ساخته رجعت و تبدیل موضع حرکتلری اساس اولاراق باقیدر . صوکراده دشمن قارشیسنده عدم ثبات و فرارک جزاسنی قهر و غضبی، محبس جیحیمی اولمق اوزره تعیین ایدر .

تعیه آیه جلیله نك ایچنده اولدیغی کبی عسکری جزا قانون نامه الهیسی ده آنده . دشمن او کندن قاچانلر قرآن کریمی ایاقلریله چیکنه . مش اولورلر . کتساب الهی ها دشمنه چیکنه تمش، ها بالذات اوزرینه باصوب ازمش ؛ نه فرقی واردر ؟ بو کیلرک توبه لری عندالله پک کوچ جای قبول بولور . چونکه جنایتلری شخصی دکل، دیندر، ملیدر، قوجه بر ملتک حیاته سوء قصددر .

اوله سنک نه جنازه سی بیقانی، نه ده نمازی قیلنیر . اللهک مقهور و مغضوب علیه اولان بر جانی دین و قرآنک عاقبت حالی دنیا و آخرت خسرانندن باشقا بر شی اولاماز .

حقیقی مسلمان، دشمن قارشیسندن - بیک جانی اولسه فدا ایدر ده ینه - فرار ایتک جنایت عظماسنی ارتکابدن اللهنه صیغیر .

\*\*\*

